

SHARCI - Lamb. 18 ee 8 Abriil 1970

WAX KA BEDDELID XEERKA HABKA CIQAABTA MILITARIGA WAQTIGA NABADDA

GOLAHA SARE EE KACAANKA

KADIB markii la arkay AXDiga KOWAAD ee Kacaankii 21 Oktoobar 1969kii;
KADIB makii la arkay sharciga lamb 1 ee 21 Okboobar 1969;

KADIB markii laga baaran degey baahida loo qabo in wax laga beddelo shuruc ka mid ah Xeerka Habka Ciqaabta Militariga ee Waqtiga Nabadda lamb. 2 ee Diseember 1963;

IYADOO la fulinayo awooda Golaha ee sharci dejinta .

WUXUU XEERAYNAYAA:

Qod. 1

Dadka hoos taga xeendaabka sharciga Ciqaabta Militariga

Waxaa lagu kordhiyey qoraalka qodobka 1 ee Xeerka Habka Ciqaabta ee luqada Ingiriiska a' waxaa lagu dabaqi doonaa cid kasto oo gasha fal dembi ee lid ku ah sharciga Ciqaabta Militariga.

Fal dembiyedka militariga

Qod. 2

Fal dembiyedka Militariga

Faqradda 3aad ee qod. 29 ee Xeerka Habka Ciqaabta waxaa lagu bedeley sidatan:
Waxaa fal dembiyed ah:

1. Fal dembi kasta oo ka mid ah falalka caadi ah oo uu qof militari ah galo lidna ku ah adeega militariga ama Maamulka militari ama lagu fuliyay goobaha militari iyadoo loo aaba yeelin adeegyada militariga.

2. Falalka ku qoran qodoba 282 iyo 312 ee Xeerka Ciqaabta ee caadiga ah (kuwasoo ah falalka lidka ku ah maamulka garsoorka) kuwaaso ay galeen dad ka tirsan militariga ama fassax xad laa'an ku jiray ama qof kasta ee hoos itimaado Maxkamada Militariga. Falalkaasi waxaa dacwadooda laga furi doona xafis ahaan waxaan lagu fulin doona xukun ciqaab ee Xeerka Ciqaabta ee caadi ah.

Falalkaasi oo Xeerkaan tilmaamay iyo sharci kale oo ciqaabta militari oo keeni kara ciqaabta waxaa lagu xusay qod. 16.

Fal dembiyedka lid ku ah daacadnimada iyo difaaca militariga

Qod. 3

Waxaa lagu kordhiyey Xeerka Ciqaabta Militariga ee waqtiga Nabadda qodobka 86bis oo sidatan loo aqrin doono:

‘Cid kasto oo si wadajir ah ula gasho fal dembiyedka ku qoran qdobada 64 ilaa 68 wuxuu mudan doona ciqaabta u dhigan isla qdobadaasi waxaana xukumi doono Maxkamaada Militariga.

Ciddii gasha falal dembiyedka ku tixan qdobadda 69 ilaa 86 wuxuu muteysan doona ciqaabta ku tilmaaman isla qdobadaasi waxaan xukumi doono Maxkamadda Militariga’.

Falal dembiyedka lid ku ah Ciidanka shaqeeya

Qod. 4

Waxaa lagu kordhiyey Xeerka Ciqaabta Militariga ee waqtiga Nabadda qdobka 129bis oo sidatan loo aqrin doono:

‘Ciddii gasha falal dembiyedka ku tixan qdobada 124, 125, 126, 127, 128 iyo 129 wuxuu muteysan doona ciqaabta u qoran isla qdobadaasi waxaana xukumi doono Maxkamaada Militariga.

Baa'binta ama dhibaateynta farsamayooinka, dhismaha iyo hantida gurtada ah ee Militariga

Qod. 5

Waxaa lagu kordhiyey Xeerka Ciqaabta Militariga ee waqtiga Nabadda qod. 156bis oo sidatan loo aqrin doono:

‘Ciddii gasha falal dembiyedka ku qoran qdobada 151 ilaa 156 wuxuu muteysan doona ciqaabta ay isla qdobadaasi qorayaan waxaana xukumi doono Maxkamada Militariga ah.

Kacdoonka, Amardiidada iyo khilaafka militariga

Qod. 6

Waxaa lagu kordhiyeey Xeerka Ciqaabta qdobka 169bis oo sidatan loo aqrin doono:

Ciddii si wada jir ah la gasha qof militari ah falal dembiyedka ku qoran qdobada 158 ilaa 169 wuxuu muteysan doona ciqaabta u qoran isla qdobadaasi waxaana xukmin doono Maxkamadda Militariga.

Dhiirigelinta fal gal dembiyeed

Qod. 7

Waxaa lagu kordhiyeey Xeerka Ciqaabta qdobka 186bis oo sidatan loo aqrin doono:

‘Ciddii gasha ama si wadajir ah la gasha falal dembiyedka ku xusan qdobada 184 iyo 185 wuxuu muteysan doono ciqaabta isla qdobadaashi carifeen waxaana xukumi doona Maxkamad Militari.

Dembiyadda been abuurka

Qod. 8

Waxaa lagu kordhiyeey Xeerka Ciqaabta qdobka 192bis oo sidatan loo aqrin doono:

‘Ciddi gasha fal dembiyedka lagu xusay qod. 192 ee isla Xeerkaan, wuxuu muteysan doona ciqaabta u dhigan waxaana xukmin doono Maxkamadda Militariga ah.

Falal dembiyedka lid ku ah qofka

**Qod. 9
Dilka**

Waxaa lagu kordhiyeey Xeerka Ciqaabta qodobka 195bis oo sidatan loo aqrin doono:

‘Militariga sababa geerida shaqsi militari wuxuu muteysan doona ciqaabta dilka ah’.

**Qod. 10
Dilka kama’ah ah**

Waxaa lagu kordhiyeey Xeerka Ciqaabta qodobka 195tris oo sidatan loo aqrin doono:

‘Militariga sababa geerida shaqsi militari si kama’ ah wuxuu muteysan doona ciqaabta 6 bilood ilaa 5 sano ee xarrig militari.

**Qod. 11
Dilka ku tala galka ahayn**

Waxaa lagu kordhiyeey Xeerka Ciqaabta qodobka 195quarter oo sidatan loo aqrin doono:

‘Militariga isagoo ku tala galay in uu falal dembiyedka ku qoran qod. 193, 194 iyo 195 sababa geerida shaqsi wuxuu muteysan doona ciqaabta 10 ilaa 15 sano ee xarrig militari.

Falal dembiyedka lid ku ah hantida

**Qod. 12
Boobka**

Waxaa lagu kordhiyeey Xeerka Ciqaabta Militariga qod. 201bis oo sidatan loo aqrin doono:

1. Cid kasto ee goob militari, si ay uu ugaga faa’ideysato, isagoo isticmaalaya shaqaaqad ama handadaad xoog ku qaato xoolo guurtada ah ee cid kale wuxuu muteysan doonaa xarrig militari 4 ilaa 10 sano.
2. Isla ciqaabtaasi waxaa mudan doono ciddii isticmaasha shaqaaqad iyo handadaad kadib markii uu boobku dhaco si uu hantiyo xoolaha la dhacay ama si loo baajiyoo in la dacweyo.
3. Ciqaabtaasi waxaa lagu sii kordhin doonaa 3 u dhig ilaa kala bar haddii.
 - a) Shaqaaqada iyo handadaadu lagu subiyey iyadoo hub la isticmaalay ama la is qarinaayey ama dad badan ay isu kaashteen;
 - b) Haddii ay shaqaaqadu gaarsiisay qofka heer uu talada iyo dhaqdhaqaaqu u gaboo.

Qod. 13 Burcadnimada

Waxaa lagu kordhiyey Xeerka Ciqaabta Militariga qod. 201tris oo sidatan loo aqrin doono:

1. Ciddii goob militari , isagoo isticmaalaya shaqaaqad ama handadaad ku qasbo shaqsi in uu ku kaco fal ama uu ka reebtoomo falal dhibateeyn doono waxaa uu muteysan doona xarig militari 4 ilaa 10 sano
2. Ciqaabtaasi waxaay kordhi doona 3 u dhig ilaa kala bar haddii ay jiraan marxaladaha ku tilmaaman faqradda ugu dambeysa ee qodobka sare ku xusan.

Qod. 14

Waxaa lagu kordhiyey Xeerka Ciqaabta Militariga ee waqtiga Nabadda qod. 208bis iyadoo sidatan loo aqrin doono:

Ciddii fulisa fal dembiyeedka ku xusan qod. 201, 202, 204, 207 iyo 208 wuxuu muteysan doona ciqaabta lagu carifay isla qodobadaasi waxaana xukmin doona Maxkamadda Militariga ah.

Muqdisho, 8 April 1970.

Madaxwynaha
Golaha Sare ee Kacaanka
Sareeye Guuto Mohamud Siyaad Barre